

Urriaren 15a

■■■ Elgorriagak
1983ko urriaren
15eko gauari
buruz
esandakoa eta
atzo Galindok
kontatutakoa
bat datoz
erabat

ratu zuen Iparraldera joa-
ten zirela. Guardia zibil
horrek Intxaurrondon egi-
ten zuen lan 1983an.
CESIDen agiriak ere esku-
hartze horren lekuko dira.
Galindok berak atzo esan
zuen informazioa lortzeko
modu hoberena ETako
kideengana eta senideen-
gana hurbiltzea zela.

Elgorriagaren bertsio bera

Julen Elgorriaga Gipuzko-
ako gobernadore zibil
ohiak 1983ko urriaren
15eko gauari buruz esan-
dakoa eta atzo Galindok
kontatutakoa bat datoz
erabat. Lasa eta Zabalaren
desagerpenari buruz Elgo-
rriagak emandako bertsioa
errepikatu zuen. Oñatitik
itzuli zirenean Elgorriaga,
Galindo eta Acedo elkarrekin
itzuli zirela, bidean ez zutela
deirik jaso eta ez zirela gel-
ditu, eta Zumalakarregiko
kuartelaren aurrean utzi
zituela Elgorriagak Acedo
eta bera. Atxilotuen ingur-
uan esan zuen: «Ni Donostian
egon naizen bitartean ez da
governadore zibilik joan atxilo-
tuak ikustera». Desagertzearen
berri «egunkari abertzale»
batek kaleratutako albiste-
gatiak jakin zuela azaldu
zuen.

Bayo eta Dorado erruga-
betzen ere saiatu zen. Bi
guardia zibilak Oñatin egi-
niko diligentzietan egon
zireneko ziurtasuna azal-
du zuen, baina ez zituela
han ikusi onartu zuen.

Rafael Verarekin ere
gutxitan hitz egin duela
adierazi zuen Galindok.
La Cumbreko jauregiari
buruz esan zuen 1989tik
Guardia Zibilari dagokiola
hura zaintzea, baina lehen
Espainiako Poliziak egi-
ten zuela, eta garai hartan
bera ez zela han egon.

«Ezin diot ezer aurpegiratu Bayori»

Julen Elgorriagak oso lasai erantzun zien atzo Jesus Santos fiskalaren galderei. Adierazi zuenez, harremana zuen segurtasun indarrekin, baina haien lana azalez soilik ezagutzen zuen. Esan zuenez, ez du inoiz atxiloturik bisitatu.

FISKALAK behin eta berri-
ro galdetu zion Enrique Ro-
driguez Galindo jeneralari
Felipe Bayo Leali buruz.
Bayok Galindo inputatu
zuen bere deklarazioare-
kin, eta fiskalak argitu
nahi izan zuen ea Galindo
nola saiatu zen hura pre-
sionatzen.

– **Fiskala:** Bayo eta Dorado
bisitatu al zenituen inoiz
espetxean?

– **Enrique R. Galindo:**
Ahal izan dudan aldi guz-
tietan.

– **Fiskala:** 1997ko abuz-
tuan jakin al zenuen Bayo
jaunak abokatuz aldatu
nahi zuela?

– **Galindo:** Bai, berak esan
zidan. Guztiz normala iri-
tzi nion; hainbeste denbo-
ra espetxean egonik, arra-
zoirik gabe.

– **Fiskala:** Badakizu zergaitik
nahi zuen abokatuz aldatu?

– **Galindo:** Ez zuelako askata-
suna lortzen. Bere bizia be-
rregiten saiatzen ari den gi-
zon batek, semea ia ezagu-
tzen ez duen gizon batek, nola
ez du edozer gauza egingo as-
katasuna lortzeko.

– **Fiskala:** Eta jakin al zenuen
Bayok deklarazio berri bat
egin nahi zuela instrukzio
epailearen aurrean?

– **Galindo:** Nire zalantzak
dauzkat. Ezin dut baieztatu,
baina ez litzaidake axolako
hala izango balitz. Hainbeste
urte espetxean daramatzan
gizon batek eskubidea du
nahi duena esateko, eta nik
ez dut eskubiderik hari ezer
aurpegiratzeko, nahiz eta be-
re deklarazioa aldatu.

– **Fiskala:** Bayok Entzute-
gi Nazionalera etorri behar
zuen egunean ez al zenizkion
hainbat dei egin haren andregaia-



Enrique Rodriguez Galindo, akusatuen aulkian, deklaratzeko unean.

esanak

x Enrique Rodriguez Galindo

«Bayo eta Dorado guk genituen gizon eraginkor eta leialenak ziren. Haiek bezalako sei gizonekin kapaz izango ginen baita Hego Amerika oso-osorik konkistatzeko ere»

«Bayo desesperatua zegoen, eta ez zuen norengana jo. Niregana etorri zen, baina, ziurrenik, nik ez nion eman berak behar zuen laguntza»

ri, harek deklaratzeko ekidite-
ko?

– **Galindo:** Ez, inolaz ere. Bai-
na egia da noizbait ikusi izan
dudala.

– **Fiskala:** Ez zenuen telefono
dei bat egin, hain zuzen ere,
97ko abuztuaren 4an edo
5ean edota Entzute-
gi Nazionalera etorri behar
zuen egunean bertan,
bere deklaratzeko asmoa
atzera bota zezan?

– **Galindo:** Bigarren zatia

guztiz ukatzen dut. Guztiz.
Ziurrenik noizbait hitz egin
dut harekin telefonoz, ezin
nuelako Bayo ikusi; baina bi-
garren zatia guztiz ukatzen
dut.

– **Fiskala:** Elkarriketa horie-
tan saiorik egin al duzu Ba-
yok bere deklarazio alda ze-
zan?

– **Galindo:** Inola ere ez. Alde-
rantziz, nik andereño hone-
kin hitz egin ahal izan duda-

nean eta ikusi dudanean,
beti gauza bera esan izan
diot: Bayok eskubidea du
nahi duena esateko, inoiz
ez diot ezer aurpegiratu-
ko.

– **Fiskala:** Bazenekien
zure abokatu Fuster
Fabra jaunak Bayo jauna-
rekin hitz egin zuela zuzenean,
ohartarazteko ez
zedila etorri eta ez zezala
deklaratu?

– **Galindo:** Berriro diot,
jakin dezakedala Bayo
bisitatu duela, baina
inondik ere ez ez deklarazioa
eskatzeko.

– **Fiskala:** Eskatu al diozu
inoiz egun Bayoren defen-
tsako abokatu denari ildo
horretan zuzendutako
gestioak egin ditzala,
Bayok deklaratu ez dezan?

– **Galindo:** Ez nintzateke
ni naizena izango, halako
lan bat emango banio beste
pertsonei bati.

– **Fiskala:** 1991. urtean
bazenekien Bayo Entzute-
gi Nazionalen aurkeztu zela,
Instrukzio 5. Epaitegian
deklaratzeko?

– **Galindo:** Ez dakit epaitegi
hori zen, edo beste bat.
Baina, bai banuen horren
berri. Esango dut, desespe-
ratua zegoela, eta ez zuela
norengana jo, eta niregana
etorri zela, baina ziurrenik
nik ez niola eman behar zuen
laguntza. Nik ez nion utzi
disziplinari gainetik pasatzen,
eta ez dakit zer egin nuen.

– **Fiskala:** Bayok bere egoe-
raren berri emandakoa,
Argoterekin kontaktuan jarri
al zinen?

– **Galindo:** Litekeena da. Ez
bazen egun horretan, aurre-
koan edo hurrengoan; lagun-
tza beharrean zegoen, orain
dagoen bezala.

«Ziur nago Bayo eta Dorado Oñatin zeudela»

Joxean Lasa eta Joxi Zabala bahitu zituz-
ten gauean, bera eta bere gizon guztiak,
Dorado eta Bayo barne, Oñatin egon zire-
la deklaratu zuen atzo Galindok. Galin-
dok dio ez zituela Oñatin ikusi, baina ba-
dakiela han zeudela.

– **Fiskala:** Oñatiko atentatua gertatu ze-
nean, nortzuk egin zituzten diligentziak,
zein funtzionariok?

– **Galindo:** Informazio Zerbitzuko gizo-
nek.

– **Fiskala:** Dorado eta Bayo han zeuden?

– **Galindo:** Ziur nago baietz.

– **Fiskala:** Baina ikusi al zenituen?

– **Galindo:** Ez nituen ikusi, baina ziur na-
go han zeudela. Ezin zuten beste leku ba-
tean egon halako garrantzia duen egoera
batean.

– **Fiskala:** Baina orduan diligentzietan
beraien izenak egon beharko lirateke?

– **Galindo:** Ez derrigorrez, ez baitziren ez
instruktorea eta ez idazkaria.

– **Fiskala:** Baina ziur ahal zaude han zeu-
dela?

– **Galindo:** Ziurtasun osoa dut. Han ez
bazeuden niri berehala jakinaraziko zida-
ten.

– **Fiskala:** Eta Velazquez Soriano han al
zegoen?

– **Galindo:** Baita ere.

– **Fiskala:** Zergaitik egon behar zuten, ba-
da, Bayok eta Doradok han?

– **Galindo:** Genituen gizon eraginkor eta
leialenak zirelako. Beraiek bezalako sei
gizonekin kapaz izango ginateke Hego
Amerika osoa ere konkistatzeko.